

اختلاف

ولا عمرها يوم سلّمت
البندقية إتكلمت
والصحرا ولا يوم إشتكت
بس النوبادي إتألمت
والرمل أول ما أترسم نقش البيادة
أصبح مزار ومكان عبادة
أسراب حمام واقفين حداد على جُثة الجندي اللي مات
باقي الجنود واقفين على حدود اللي فات
باصين على الوطن الغريب.. وبيضحكوا
حُب البلد دي يختلف
حُب البلد دي في الأغاني المليانين همّة وحماس
بيلمّ ناس
في حُب ثاني مجربوش
غير بس حبة ما بيناموش
إلا على صوت الرصاص

يا طمعانين في الدنيا

فانية ما بتدومشي

تحت التراب أموات

نايمة مبتقومشي

ياللي أنت ظالم هنا

يوم القيامة إله

عادل ميظلمشي